

# Morgenrot

Wia wuist dei Leb'n leb'n  
Wohi führt dei Weg

Schwimmst du im Fluss, im See, im Meer  
oder wart'st du am Steg

Wann bist du endlich z'fried'n  
Wo bist du dahoam

G'spiarst du des Feuer in dir  
oder bist scho lang g'storb'n  
oder bist scho lang g'storb'n

**Is ned a jeder / nur a Punkt im unendlichen Raum  
Suacht ned a jeder / nach der Wahrheit vo irgenda'm Traum  
Hock ma ned alle mitanand im selb'n Boot**

**und warten endlose Stunden, Minuten, Sekunden  
auf Schilder und Zeichen an Wegen und Weichen  
durchs Dunkel der Nacht ins Licht  
- ins Morgenrot**

G'spiarst du no Wuat und Trauer  
Liebe und Freid  
Wia san die Leit zu dir - und wia  
bist du zu die Leit

Is dir no wirklich wichtig  
was draußen passiert

Oder machst Aug'n zua – und hoffst  
dass boid anders wird  
dass boid besser wird

**Is ned a jeder / nur a Punkt im unendlichen Raum  
Suacht ned a jeder / nach der Wahrheit vo irgenda'm Traum  
Hock ma ned alle mitanand im selb'n Boot**

**und warten endlose Stunden, Minuten, Sekunden  
auf Schilder und Zeichen an Wegen und Weichen  
die Antworten sagen auf all uns're Fragen  
die uns alle Zeiten an unser Ziel leiten  
durchs Dunkel der Nacht ins Licht  
- ins Morgenrot**